

泉州府志

第三十六册

卷之六十四至

卷之六十六

泉州府志卷之六十四

寓賢

泉地山川險阻而井里貧薄非有廣土高原貨賄所聚爲乘時者之所必爭故歷代更革之際變故繁生泉獨後及一二潔身之士避地而南率以爲歸初不特典午南渡之八族已也夫去國懷鄉昔人所感然足跡所經傳者勿替則其生平行事足以不沒可知矣至若迹非飄泊而寄託之間能以自顯均爲可垂於無窮後之來者登秦君之亭訪尋舊跡屈指至今

更若而人慕古之懷當有不期而興者作寓賢志

唐

秦系字公緒會稽人天寶末避亂剡溪北都畱守薛兼訓
奏爲右衛率府倉曹參軍不就客泉州結廬南安九日
山穴石爲硯注老子彌年不出自號東海釣客刺史薛
播數往視之歲時置羊酒而系未嘗至府門姜公輔之
謫見系與語窮日不能去築室相近忘流落之苦公輔
率妻子在遠系爲葬山下張建封聞系之不可致請就
加校書郎系素與劉長卿善以詩相贈答權德輿曰長

卿自以爲五言長城系用偏師攻之矣韋應物答系詩
有五言今日爲君休之句其後東渡秣陵年八十餘卒
南安人思之爲立秦君亭號其山爲高士峯

唐書隱
逸傳

陳黯字希儒潁川人十歲能詩舉進士不第避黃巢亂隱
終南山後徙同安之嘉禾嶼薛嶺讀書終身號曰塲老
時人稱其所居山爲塲老山所爲文有辨謀等篇復有

書三卷約大易虛一數四十九篇名曰裨正朱子簿邑

時得書於其家而爲之序

閩大紀八閩通志同安縣志
合纂○唐史藝文志云黯南

安人有集三卷通志畧云三十卷今按文公序則其爲
三卷是矣但序云唐陳昌晦撰而志謂黯字希儒昌晦

高賢

泉州府志卷之六十四

或臨別

號數

薛沙長溪人令之裔孫爲龍溪尉因卜居于同安嘉禾嶼
人稱所居嶺爲薛嶺嶺之南陳黯宅在焉時號南陳北
薛五世至文倬任司農少卿宋元祐中裔孫穎士舉貢
士著作郎名勝志系同安縣志○按閩書薛嶺以令之
得名今之登神龍二年進士黯乃會昌時人
相去百二三十年不應有南陳北薛之目且令之本
傳亦不載其遷寓同安名勝志作薛沙較確今從之

李寬初名珏後改避李丞相諱嘗隨父販糶從吳會航海
抵泉平糶濟飢泉人德之後聞寬仙去立廟祀焉閩書抄

羅隱字昭諫餘杭人工詩長於詠物自號江東生咸通中

累舉不第流落江南聞越間嘗遊晉江羅裳山五髻石
壁及惠安螺山所至多靈異光啓中歸錢鏐爲從事後
表授給事申年八十餘卒

閩書

韓僊字致光京兆萬年人龍紀元年進士歷官兵部侍郎
進學士承旨朱全忠怒其薄已貶濮州司馬再貶榮懿
尉鄧州司馬天祐二年復召爲翰林學士遷故官僊不
敢入朝挈其族轉徙閩中依王審知號玉山樵人後寓
居南安前刺史王審邦作招賢院禮之梁篡唐乾化三
年召復辭卒于邑之龍興寺宋慶歷中丞相龐籍進呈

其內庭集金鑾密記遺稿官其藻奔施昌言帥杭日取

其詩最全者二十篇刻之石

閩大紀清源
文獻台纂

徐寅莆田人乾寧中進士王延彬刺泉州寅每同遊賞及

陳烈倪曙等賦詩酣酒爲樂凡十餘年常被病求藥物

于延彬彬荅書云善自調護亦可自開豁三皇五帝不

死何歸蓋舉寅人生幾何賦語以戲之也

十國
春秋

周朴字大朴唐末吳人避亂寓安溪永安里南山下所居

有塘因名周塘山又隱惠安產坑山與李穎方于友著

朴長于詩好搜奇抉奧或盈月而得一聯一句欣然自

喜歐陽脩稱其精意相高極力雕琢月鍛季鍊未及成
篇已播人口嘗野逢負薪者急持之且厲聲曰我得之
矣遇遊徼卒以爲偷兒也執訊之朴徐曰適見負薪者
因得句耳其句云子孫何處閑爲客松柏被人伐作薪
又有一士人踣驢遇朴以其僻於詩句故改朴詩云禹
力不到處河聲流向東促鞭而去朴聞忽遽隨其後追
數里及之告曰僕詩向西何得言東耶士人領之時傳
爲笑後隱于福州烏石山黃巢陷閩求得之朴曰我向

不臣天子肯從賊乎巢怒殺之湧白骨數尺

清源文獻
系隆慶府

志

杜襲禮昭宗時爲水部員外郎朱全忠篡唐避亂來泉依
刺史王審邽與常侍李洵承旨韓偓諸公同賓禮于招
賢院及王延彬繼牧襲禮時棲開元寺延彬就寺中建
慈恩院居之遂混迹于僧曰寰外後賜紫衣號逍遙大

師王氏
家乘

五代

劉乙字子真不知何許人仕閩爲鳳閣舍人後棄官隱居
安溪鳳警山與周朴詹敦仁友敦仁嘗遣子珪訪之資

以詩云拂石耕山舊子真布衣草屨自隨身石崖壁立
題詩處知是當年鳳閣人乙所詠詩有拂石雲隨帚耕
山鳥傍人之句故云

閩大
紀

宋

陳瓘字瑩中號了翁沙縣人侍父偁守泉讀書南安九日
山中神宗元豐二年進士甲科任左司諫贈右諫議大
夫諡忠肅詳見宋史本傳

清源
文獻

王安中字履道陽曲人舉進士歷祕書省著作郎中書舍
人徽宗見其箋表稱爲一代奇才累遷御史中丞屢言

事以宣撫使知燕山府罷爲觀文殿大學士郭藥師叛
論者並及之貶象州安置子辟章知泉州迎安中就養
愛九日山往來遊觀有終隱之志卒葬邑之葵山著有
初寮集七十卷李邴爲之序

南安縣志

李邴字漢老鉅野人崇寧五年進士累官叅知政事後除

資政殿學士提舉洞霄宮寓泉州幾二十年後遂家焉

與黃冠張讀等友善好遊佳山水以詩自娛著有草堂

前後集一百卷號雲龕先生累贈太師諡文敏改諡文

簡子縝雜紀綸孫訖縝綸訖別見

宋史李清源文獻

趙思誠字道夫高密人父挺之崇寧中宰相思誠與兄存
誠相繼成進士建炎南渡存誠帥廣東與思誠移家泉
州後思誠以寶文閣待制守泉從弟濬煥皆第進士煥
任御史以親黨皆在泉亦徙居焉

開書參
通志

王柁字嘉叟父辟章官著作郎爲泉守母丞相趙挺之孫
女也建炎南渡柁從諸趙卜居晉江少負才以蔭補官
稍遷樞密院編修歷刑部侍郎在官抗疏言論切直後
乞祠歸泉南寓僧寺未嘗一問貲產其詩有投老歸來
乏一錢之句

開書

元

陳旅字衆仲莆田人嘗至泉州從傅古直游聲名旦著用
薦者爲閩學儒學官御史中丞馬祖常使泉南一見奇
之曰館閣器也因勉游京師翰林侍講學士虞集亦見其
所爲文慨歎曰此所謂吾老將休付子斯文者矣虞祖
常交口游譽予諸公閒中書平章政事趙世延亦力薦
之除國子助教終監丞有安雅堂集

莆陽
文獻

馬速忽字子英色目人登進士第歷官福建行中書省員
外郎奉使廣東其妻畱福州爲悍卒所逼妻給以置酒

成禮俟卒醉以斧擊其首殺之同營卒遂殺速忽妻速
忽感其義不再娶寓居晉江沙堤惟一子從飄然若方
外士後寓漳州卒速忽志操高潔崇尚名節元季士風
委靡鮮有其倫

隆慶府志

黃貞仲不知何許人至元間寓居南安清源文獻載其詩
文又嘗爲張夔作修復水利記蕭然古韻其殆以文學
著者乎

王彙字並君邵陽人翰林學士潞公元之曾孫登至正庚
辰進士歷貴州行省參政順帝時天下羣盜蠭起直諫

內廷之非權臣河沙不花譖其忤旨謫謫入泉遂家焉

與學者講解經義明初朝野交薦固辭不赴

閩書

王翰字用文廬州人初襲父爵爲領兵千戶省憲共言其

才除廬州路治中政譽日隆平章燕只不花鎮閩辟爲

從事適三魁賊起地險猝難用兵翰自造其壘諭降之

陞同知又陞理問官綜理永福羅源二縣泉州土帥柳

莽跋扈連結旁郡邑民洵懼翰使人諭之莽遂退擢福

達江西行省郎中陳平章以翰威望素著表授潮州路

總管兼督循梅惠布恩信寬徭役興學禮士凡害政之

事悉罷之宿草順服若良民旣而叅政陳復代領州事
翰還道經晉江寓居沙堤其地有西山巖石鐫海天一
色翰書也元亡屏居永福山中十年號友石山人著有

友石山人稿洪武中有上書薦之者命下翰歎曰婆可
更適人哉乃爲詩以別其友曰昔在潮陽我欲死宗祀
如絲我無子彼時我死作忠臣覆宗絕嗣良可恥今日
徵書忽到門丁男屋下三人有寸刃在手固不惜一死

了却君親恩遂自引決翰性強介精敏有膽畧居官廉

潔吏畏若雷霆而其行事則一以愛民爲主

舊志叅隆慶志闕書

方應元莆田人隋泉州長史叔達後家貧爲吏郡推官烏
古孫良楨器之使典刑曹盡心獄事凡有乖法典輒感
額不安白改之尋爲南安縣蘆谿司椽民毒溪以漁行
人誤飲多致死巡檢劉萬松使應元撰文諭之操觚立
就後棄歸晨興見有一夫號凍道中解衣衣之值立春
鞭土牛闔郡聚觀隸人執鞭疾驅衆皆辟易一兒仆地
市人擁擠幾遭踐踏應元力爲捍蔽抱兒以歸其父是
夕其幼子槐生出遇奔馬趨縣道中馬躍而過得無損
人謂救兒之報云

閩書